

特56
957

華鬚集引



筆之先以何書待鬚之
了河相塵筆乎鬚手
始可以後山編

寄贈本

明 治 四 十 三 年

省 對 龜 谷 竹 樓



敬 帝 集 叙

夫八萬四千法門談豈容易然時
拈其微旨以上之韻語則易於諷
誦善沁人心脾其於演法弘道所
裨益不鮮此古來尊宿之所以不
廢詩也歟蓮宗緇侶善詩者前有
艸山後有清兮今又得吾勝公勝
公學通內外識鑒深潤其發為詞
章者自然玄妙風格老蒼音節清

琅足以與二上人揚峙乎異代矣
鍾伯敬曰僧詩則有僧詩氣習僧
而不作僧詩便有不作僧詩氣習
勝公蓋兼此二者頃繕寫舊稿自
題曰敝帚集嗚呼此帚豈真敝乎
哉若一上梓布世則為万人所珍
也必矣
明治庚戌孟夏

福井縣公簡識

弊帚集例言

一佛子本領在勤學勵行。徒事吟風弄月。固非所
宜。而文字氣習未除。時時假詩說法。亦是一片
婆心。歲月之久。積成數百首。因整理以付刷印。
先自五言古體始。

一余蚤歲住礪川蓮華寺。後轉赤坂圓通寺。伽藍
皆荒頽太甚。汲汲然圖興復。未曾寧處。頃者事
稍完了。身亦得少閒。乃擬巡錫海內。視察諸宗
狀況。及慈善事業。以期報効於他日也。往訪之

際。聊欲以此編代名刺。

一詩本言志。大方君子讀此編。察微志之所存。庶
幾知非徒言。并賜慈斧。何幸加之。

明治四十三年五月

中里日勝識

弊帚集



秋感

鶯降秋將老。草木斑斑黃。風聲自浙瀝。嵐氣何蒼涼。
空林幽響響。徒倚對斜陽。猛覺半生夢。漸加雙鬢霜。
弱齡懷雄志。所期竹帛芳。居常空慷慨。焚膏讀書忙。
螳螂當車轍。怒臂偏激揚。進退不量力。蹉跎笑愚狂。
流景移剎那。萬物元無常。因緣有生滅。人事歎滄桑。

中里日勝 峻峰 撰

福井學圃曰、心之所之、發為韻語、讀之可知其為人也、

孟賁與烏獲。西施又毛嬙。齊歸一丘土。何論否與臧。

感遇

生涯託一鉢。應緣度年華。清虛如太古。境靜絕紛譁。
湛湛真如海。終日思無邪。

贈道見師

結跏菩提座。禪機制毒蛇。得魚忘筌處。指端認月華。
明花暗柳裏。丈室澹烟霞。眼前有實相。妙悟屬君家。

贈松竹兄

君身是白璧。由來厭微瑕。不立巖牆下。韜晦付煙霞。

學圃曰、儒釋同
揆、

大嶋怡齋曰、澹
永、

怡齋曰、一片悟
境、

無爲養道骨。樂命此生涯。一覺浮世夢。茫茫往事遐。
虧盈天上月。開落人間花。暗中君看取。四相似轉車。

函山萬翠樓即事

春服既成日。携童浴靈泉。聊此擬點也。諷詠謝塵緣。
人生行樂際。意珠真湛圓。榮華黃梁夢。安分守瓦全。
偃鼠飲河水。一勺腹便便。東風長芳草。好鳥鳴窓前。
嘉樹山中合。雜花溪上妍。逍遙又徜徉。嗒然了玄玄。

奉哭日耀僧上

陰雨午蕭蕭。愁雲慘不開。忽接訃音至。黯然鐵腸摧。

學圃曰、蘇州刺
史今有晉人、

怡齋曰、悲惋欲絕、

上人妙門傑、四海震法雷、天道是耶非、奪我棟梁材、
魂兮呼不返、啼血杜鵑哀、

感秋

學圃曰、由衷之言、不與無病呻吟者同、

鶴林涼氣動、蕭瑟送秋聲、山中雖無曆、物光偏堪驚、
四相輪轉急、年年亡耆英、後進猶乳臭、何人護法城、
一念每到此、喟然浩歎生、鑽仰不知倦、短髮霜幾莖、

又

陽雨不違時、穰穰禾黍生、今秋定歲稔、四野民心平、
山僧免飢寒、不織又不耕、緇廬樂幽獨、象外忘經營、

學圃曰、幽淡、

蓮池涼葉動、秋水徹底清、胡枝亂如雨、幽叢候蟲鳴、
此中天祿足、何羨浮雲榮、

丁酉九月初九曉暴風雨有作

學圃曰、起手氣勢亦壯、

天柱看將折、地維安得全、狂風掃六合、猛雨濺大千、
滔滔百流溢、萬頃沒稻田、鼓腹一場夢、今朝兆凶年、
禍福難豫測、喜憂分眼前、上帝何無賴、號泣欲訴天、

溫泉寺有懷藤公

學圃曰、如讀太冲詩、

藤公回天志、錯節試利刀、南風終不競、空向白雲逃、
孤鴻海上沒、弋者難再遭、此地隱棲處、長松百尺高、

哭日解師

愁雲鎖法窟。慧燭忽失光。松楸一鵲叫。陰雨何淒涼。
子期不可逐。絃絕獨斷腸。空憶古賢迹。水漿口雖嘗。
生平得失事。幾度煩商量。幽魂渺何處。嘆息人琴亡。

戊戌八月念四日重訪日遙師於玉溪

席上賦似

地僻鷄犬靜。幽刹別乾坤。峰巒翠黛掃。溪泉玉練翻。
晏如脫世網。靈境觀道存。松風與竹韻。群象皆法源。
有時甘露下。灑然洗熱煩。似餐月窟水。清爽沁六根。

怡齋曰、一聲一淚、一字一珠、

學圃曰、不惜眉毛、

移榻談玄旨。萬丈虹霓吞。此意何以比。欲語却忘言。

遊日光山中禪寺

吾性好遊山。惟少謝公妓。己亥三伏天。曳杖晁嶺裏。
臨水又登山。千慮付一滓。高巒凌碧空。峻巖難攀倚。
鯁骨男兒操。意氣須若彼。大湖湧洪濤。汪洋巨諦視。
遠謀丈夫心。智畧宜如此。又見出岫雲。無心固忘已。
漠漠彌布天。百尺神龍駛。電光忽礮。濺盡甘露水。
沛然滌乾坤。快活真可喜。宇宙變幻奇。萬方何以比。
吾性元磊落。對此開意蘗。

學圃曰、余之遊幸湖、已經十餘年、今讀斯詩、會遊湖山、歷歷在眼、

華嚴瀑布

怡齋曰、簡而盡、

玉簾七十丈。噴薄炎天雪。轟轟震萬雷。如來廣長舌。

華藏閣招邀諸賢分唐句得機字

學圃曰、幽修妙遠、風格自高、

秋氣滿寥廓。金風肅郊畿。蒼蒼烟松秀。颯颯霜楓飛。招邀世外士。斜日靜林扉。相見共一笑。無言忘是非。却憐迷塗客。不知道心微。百歲荊棘裏。苦城未解圍。薦此香積饌。山厨芋栗肥。幽閣天既夕。一燈悟禪機。

又

學圃曰、盛唐諸

湧出逼非想。登臨小帝畿。仁風鳴寶鐸。惠日映金扉。

賢慈恩浮圖之作、蓋斯詩藍本、

仰瞻淨滿佛。覺路知昨非。回頭客作業。畫餅如充饑。嘗來法喜食。人天香氣馥。花雨落講座。縹緲紫雲飛。頻伽轉道樹。甘露洒緇衣。華藏世界潤。悟此無礙機。

送池田生入營

怡齋曰、入營光景如觀、

龍蛇正爭鬪。萬國在巢中。牙府尋盟去。和平氣未融。猛獅驕東陸。悍鷲搏北風。神州際此日。壯士憂心忡。夙布徵兵制。海陸軍旅雄。爾亦當其選。服膺祖先忠。一旦有緩急。義勇須奉公。巨礮扼要塞。港口聯艨艟。汲汲消國帑。四海多困窮。祖席回望處。岳蓮照簾櫳。

兩種真如

學圃曰、渾成、

湛然真如海。起滅千萬端。洞庭一碧水。風動生波瀾。

偶成

怡齋曰、咄哉、

虎。鱷。逼。前。後。二。鼠。窺。身。城。啗。盡。草。根。去。何。處。寄。此。生。

漫言

怡齋曰、信哉、

鬢髮繫大象。芥子容須彌。三千在一念。警珠照四維。

賀下田義天類取婦

學圃曰、立言如此、極切其人、

乾坤及陰陽。炳炳見天則。大哉夫婦道。一體彝倫飭。緬想太古時。二尊儼垂式。爾來萬斯年。風化誠匪忒。

巖上松

學圃曰、句句蒼堅、

上下齊順承。民生愈繁殖。元氣日以熾。威震海外國。先生慕古風。研鑽忘寢食。庠序懇育英。諄諄盡天職。卓然說名分。資稟何質直。維德固不孤。有隣常得得。茲舉合香禮。佳氣繞門闕。高堂華燭新。琴瑟樂無極。鶴舞蓬嶋表。松呈千歲色。髣髴何所似。八雲歌中憶。百尺棟梁材。風霜何屈彊。蒼髯摩太虛。四時清籟爽。重陰護仙禽。喬梢旭日晃。偃蹇如龍蟠。矯矯崇巖上。歲月靈根深。遠壽比天壤。

辛丑元旦十首

加減乘除去。度冬秋夏春。千篇雖一律。改曆先覺新。
絲來屨樓主。色即是空身。夢中如結夢。醉裏又迎新。
飄然五塵外。抖擻雲水身。法界無曆日。隨俗賀歲新。
乾坤固逆旅。百歲蜉蝣身。光陰夢裡過。枉祝浮世春。
寂寂空王境。不染人間塵。暗香浮動處。天地自然春。
今朝天特暖。竹外一枝開。南荒與都下。氣候調和來。
屈伸如尺蠖。禪窟迎韶光。窮通與倚伏。一代活文章。
閑閑對椒盤。笑見世相紛。抑揚波瀾在。即是人間文。

學圃曰、諸絕調
不必古、而意自
深厚

怡齋曰、真樸、

學圃曰、天倫樂
事可羨、

學圃曰、蒼厖而
典重、

蓬瀛春波穩。蓮岳瑞雪擎。文運超千古。幸然浴昭明。
梅林元旦禮。講經知道源。服膺孝順誠。海岳雙親恩。

中村梅子女史新創學校詠梅遙寄

嘗盡霜雪苦。占茲百花先。春風既有信。遐邇清香傳。

壬寅元旦

奉養雖菲薄。共分香積饌。歲歲歡無窮。慈萱老益健。

元旦望嶽

元正開令節。杲杲朝曦紅。普天浴聖澤。率土謳仁風。
高閣時回望。雲霞淑氣融。岳蓮三萬丈。八朶撐蒼穹。

學圃曰、則之樊
樹山房集中、雖
具眼者恐不能辨
識也、

上有太初雪。瑤闕何玲瓏。神州秀靈氣。磅礴于此中。
諸峰兒孫耳。雄峙鎮海東。大哉巍巍乎。以頌皇德隆。

三月初九觀梅於木下川遇雨賦此

淑景氣和煦。春空裊遊絲。扁舟問梅花。村郭澹碧漪。
弱草冒林隴。長松挺園籬。柴門苔逕靜。老幹一一奇。
清姱仍窈窕。玉立冰雪姿。低回時攀折。踞石吟小詩。
芬芳凝鼻觀。淨理了可窺。東風送小雨。颯颯拂南枝。
花態作濃淡。濛濛雲合離。天地陰晴變。神妙誰得知。
人間凡百事。哀樂難豫期。可比塞翁馬。倚伏復奚疑。

化城

化城聳白雲。超然出塵表。慧日罪露消。心地亦空了。
從容繙蓮經。妙香散清曉。髣髴天語聞。雨花紛繚繞。
下方煙霧深。萬物何擾擾。法界宮裡觀。風光自皎皛。

擬古

瀟瀟細雨下。隱隱暮鐘沈。青雲失路客。千里他鄉心。
老親在故國。思之淚濕襟。何事宿鳥噪。悲風度寒林。
久矣違侍養。反哺媿彼禽。

寒夜

學圃曰、門外漢
不能享受箇中妙
味、

學圃曰、情至之
言、

學圃曰、詩亦冷然、

霜降屋瓦白。池水結堅冰。夜深寒徹骨。玉兔中天升。皎皎照千界。泠然觀境澄。占茲獨尊地。竹院參禪僧。

送長田慧達之白井

善友因宿緣。邂逅非偶然。相求有同氣。共擬探幽玄。白雲聚又散。飛錫北總天。一燈此話別。愁思自纏綿。俟君歸來日。復當前法船。

學圃曰、語淺情深、

守田蓑洲八秩壽言

占此山水美。世榮付雲烟。萬卷養浩氣。道義金石堅。乾坤衆妙理。鎔鑄入詩篇。嵐霏彥山路。花雨蓑洲船。

學圃曰、不墮尋常壽詩窠臼、

時趨漁樵侶。或參書畫禪。鄉閭皆敬慕。長握風月權。今茲躋八秩。杳杳寄華箋。儒釋雖異道。遙結文字緣。一詩以稱祝。壽算加億千。逍遙無極地。須凌大椿年。

讀松平高真公傳

將門善出將。同氣元相牽。慶長甲寅役。真公二七年。單騎冒矢石。驍勇意氣專。猛虎嘯長風。鷲鳥擊蒼天。授麾真矯矯。可以圖凌煙。勤王仍佐幕。忠孝推兩全。晚封出雲國。錫瑞松江邊。敬神復古典。慕道張經筵。銳意講治術。富資如源泉。士民歸淳朴。風化一藩宣。

學圃曰、敘事有力、善學杜陵、勤王十字、作者最致意處、

餘事愛歌詠襟懷自灑然武功與文德照炳汗簡傳
星霜三百歲福祉長綿綿子孫無忝祖奕世多名賢
端坐讀公傳英姿恍現前

九月在玉溪與政靜見德二子同賦以

林深無人聲句為韻得無字

丘壑絕塵凡尋此清淨區幽村流水遠疊嶂白雲孤
喬木蔭庭砌日夕聞蟋蟀冲襟離熱惱衣裏探明珠
佛魔何用問嗒然忘有無

十一月十五日神齡精舍小集分韻得山

學圃曰、放筆却
妙、

學圃曰、韻高難
攀、蓋夫子自道
也、收京四句、
三誦不敬、

紺園秋光淨。泉石成別寰。古松龍鬣健。丹楓猩血斑。
叢菊埋幽徑。清。香。汎。坐。間。諸賢讚佛偈。韻高吾難攀。
勝因感樂果。宿福俱得頌。池水深功德。放生遊魚閒。
蒼岫白雲出。茂林暝鳥還。始悟諸法相。默默對寒山。

悼龜山女史

女史梨本宮家扶飛田信敬女夙有才
名文藝學舍聘為講師癸卯十一月歿

池深蓮益淨。映日花彌妍。妙齡登庠序。兀兀事鑽研。
學問深造詣。文章亦斐然。異彩遂難掩。應請臨講筵。

學圃曰、鋪敘詳密、得此好引導文、女史可以限也、

十季如一日。諄諄授業專。諸生如慕母。子來圍膝前。
資性元婉順。事親期孝全。戰兢善修德。誓欲酬祖先。
秋風忽捲地。霜繁古池邊。名花一朝萎。妙香難復傳。
天道真幽眇。是非茫若烟。別有宿因在。死生奈前緣。
生時多白業。世尊照鑑圓。彼岸豈遼遠。願上一乘船。
十二月念八日圓通閣小集分韻得詩字
積善兼積惡。殃慶可豫期。播種收果實。應報復奚疑。
念之慎其獨。嚴敬宗毘尼。一心漸澹泊。四儀自坦夷。
偏憐澆浮俗。營營事我私。唯免而無耻。四海操心危。

學圃曰、立意沈痛、遣詞渾厚、善沁人心脾、

毫相減輝赫。白日魑魅馳。青鴛別世界。超然離百悲。
一陽正來復。似接如來慈。南枝漏微笑。暗香浮佛祠。
水天懸玉鏡。清光照書帷。圍坐花月下。閑讀寒山詩。

甲辰五月送石澤龍尾遊南美

王師伐鄂羅。捷報頻頻臻。上下皆狂喜。似不知憂患。
百戰雖得利。理財恐艱難。憶昨征清役。歲月黎甿瘼。
商鑒洵不遠。誰善處斯間。君抱經綸志。憂時慷慨頻。
報効壯圖在。蹶然辭帝關。鵬程十萬里。南美去問津。
繁華利於市。藜藿闔涅山。慧眼觀風俗。貨殖術有神。

學圃曰、真是一篇經濟策矣、

今夕河梁別。何濺涕淚潛。企君歸來日。富國籌策新。

六月十一日涵詠詩社集分韻得氣

人外無熱惱。山家清涼味。松風吹道衣。怡怡坐蒼蔚。
一鉢福有餘。何論富與貴。言志託聲詩。剩得凌雲氣。

綠陰讀書

四山嵐翠深。薰風吹高閣。此中隔世情。幽居守六鑿。
案上一卷書。繙來能刮膜。心頭有天遊。惟德自冲漠。
白雲繞雙林。松濤生丘壑。悠然清陰下。終日占至樂。

遺偈 代長谷川幽谷翁

學圃曰、松風十
字古色可掬、

學圃曰、起得清
超、

學圃曰、隨緣十
字、括盡桃李園
序、

怡齋曰、詩亦自
在、

性海離生死。夙占無量春。隨緣示生死。時為天地賓。
六或分自他。東湧西沒人。往來億萬返。去問泥洹津。
四大本常往。不壞金剛身。

贈修驗者柴崎文海

不斷誦神咒。修法何嚴森。三冬水中浴。肌骨峭寒侵。
萬方謝欲染。淨行衆庶欽。丹誠祈佛陀。功德一淵深。
病者得健康。癩者復本心。諸願總如意。殺活還縱擒。
自在神通力。可以落飛禽。

贈修驗者田邊貞顯

學圃曰、與前首
同一結構、而簡
淨殊勝、

齋戒對佛陀。至誠懇禱切。信力牽佛鑑。宛如磁吸鐵。
歲月靈驗新。使人罪垢滅。法雨潤心田。四衆皆欣悅。
自利兼利他。真是法門傑。神通何以然。本來不可說。

悼冲禎介

鄂羅虎狼國。不顧公義尊。肆然事蠶食。弱小空銜冤。
東亞諸列國。恐難免噬吞。我皇此膺懲。鼓角壯轅門。
堂堂冲烈士。其勇如孟賁。投身餓虎蹊。誓欲報國恩。
畫策何倣儻。壯烈震乾坤。不幸陷敵手。抱恨喪其元。
松花江水咽。悲風度開原。雄志雖不成。可以垂後昆。

學圃曰、詩亦悲
壯、

怡齋曰、規戒深
摯、字々沈着、于
此見作者本領、

山僧蕭寺裏。焚香薦蘭盆。爲阿耨菩提。回向不滅魂。

喜兒甫五歲舉着袴之儀賦此以贈

人間始生時。賢愚難豫知。性雖固相近。氣習次第移。
教育有良否。賢愚乃生差。光陰勿空過。學齡宜付師。
修身主忠孝。齊家自有基。殖產還興業。富國可以期。
指導無誤道。此是雙親慈。喜兒始着袴。聊贈規箴詞。

十一月二十日正受精舍小集分韻得齊

晴朗小春節。曳杖紅葉蹊。瀧川訪香刹。疎磬響寒谿。
雲木一清脩。宛似匡廬栖。遠公笑許飲。醍醐破迷迷。

怡齋曰、雅淡高
古、超出塵表、

是處安樂國。嗒然物我齊。

林深隔人境。白雲壓檐低。長廊控後苑。方丈臨清谿。

霜楓若裁剪。禪庭蜀錦齊。天公丹青妙。佳句何人題。

留賞未能去。寒山夕陽西。

學圃曰、二首一塵不染

十二月初三日涵詠詩社集分張謂眼前

一樽又常滿句得又字

五蘊皆空身。百歲如浮漚。行樂宜及時。未來不可究。
生平願無爲。清福是天授。笑看世上人。營營徒奔走。
漫欲築蜃樓。常事蝸角鬪。吾輩雖同塵。寸管有嚴守。

學圃曰、又字押得妙

偏欽松柏操。三冬獨挺秀。歲路方崢嶸。優游翰墨囿。
坐客皆逸才。分韻詩立就。悠然共高談。此樂幾回又。

賦得新年山

百八鐘聲斷。依稀東方白。薰沐著淨衣。舊塵悉洗滌。
升堂禮世尊。望闕拜聖德。二諦雙照義。譬諸輪與翼。
造次還顛沛。念此未曾息。乾坤啓昌辰。松竹映門額。
人意自融怡。鼓腹歌帝澤。鸞嶺慶雲生。日邊呈佳色。
撐天寂不動。似如來淵默。根深達金輪。何須巨鰲力。
卷石成廣大。寶藏興斯域。崑崙萬斯年。儼乎護社稷。

學圃曰、湊得無迹

學圃曰、修養可想、

乙巳一月念一日涵詠詩社集分韻得春
無爲白雲身。超然任天真。蹤迹無住着。江湖風月親。
隨緣百物足。一鉢不知貧。乾坤悉樂土。飛錫皆有隣。
衆恩豈易報。思此不尤人。自訶不平念。常養中和春。
矧有同調客。嘉會逮良辰。團欒軒窓靜。早梅香撲巾。
徵逐不愆期。了此翰墨因。

三月十九日涵詠詩社集分杜濬不朽非

千載句得非字

夜來微雨至。池塘芳草肥。閒人無一事。仰見白雲飛。

學圃曰、語亦澹然、

怡齋曰、寄興高遠、

淵襟何以比。澹然離百非。

其二

林。陽。春。尚。寒。輕。陰。罩。斜。暉。一。逕。梅。花。外。來。叩。幽。人。扉。
茗。氣。吹。簾。箔。縱。談。忘。是。非。

其三

獨。立。天。地。表。萬。物。皆。禪。機。春。風。入。芳。樹。花。雨。濺。衲。衣。
心。未。爲。形。役。詎。須。知。昨。非。

其四

半砌苔色古。虛窓篆煙罪。黃鸝啼不斷。修竹映柴扉。

學圃曰、可抵勝公傳贊、

怡齋曰、一片空明、通神入悟、

學圃曰、二諦雙非、使古今幾多高僧頓無顏色、

學圃曰、居然老儒之言、

怡齋曰、起二句吐屬自然、

怡齋曰、洪鐘無細響、

端坐思實相。二諦歸雙非。

其五

事莫見乎隱。又莫顯乎微。正邪在眸子。焉度胸中機。可憐術數士。詭辯飭其非。

次村岡樸齋居士韻

山青花益紅。天地觀文彩。滿目皆淨邦。不知在苦海。此樂元悠悠。無量萬億載。

其二

如來八萬藏。文章何磊鬼。圓理無怨親。誦讀忘宿罪。

滅後有利生。于今三千載。

送目黑榮子歸鄉

抱志辭故國。三歲客帝京。彤管一何煒。卒業上歸程。淑慎洪四德。休詡眼前榮。

又

幽蘭不厭馨。流水不厭清。婉婉遠奢侈。須守孝與貞。亭亭嶺上松。百歲有餘榮。

贈橫山日弘

巍巍香山峙。溶溶狩水流。聚落雖不遠。白雲塵外幽。

怡齋曰、二首榮字押得的確不動

學圃曰、絕好贈言、

學圃曰、一氣旋轉、何等自在、

學圃曰、詩品在拾遺曲江之間、

寺門七百年。僧坊多朽腐。蔓草掩石壇。飢蝠舞堂宇。
一自君住持。檀越渴仰殷。結構極輪奐。興隆一何勤。
無住本難窮。萬法自深遠。勇猛仍精進。勿厭大成晚。
先師學德邵。望君騰餘光。流風何所似。山高而水長。

九月十日涵詠詩社集分淵明介焉安其業所樂非窮通句得其字

時運一何速。眼前物化移。秋氣滿寥廓。颯颯商飈吹。
月影在河漢。蟋蟀吟階墀。蒹葭白露下。夜色自凄其。
木葉正搖落。長年易惹悲。聊茲愛寂寞。厭向朱門馳。

學圃曰、真朴一句、可謂善自評其詩、

怡齋曰、開口淡台鬆秀、

來尋白社約。分韻各賦詩。篇篇只言志。真樸不競奇。
芳樽旨酒滿。對榻談笑時。嗒然忘物我。形適心怡怡。
圖南非吾願。鷓鴣安一枝。

十一月初九日學圃櫟齋兩詞伯見訪分得寺字

雨霽寥天清。夕陽冷蕭寺。寒溪霜葉紅。山林有幽致。
二君趁夙期。聯轡惠然至。掃逕笑相迎。逍遙白雲地。
因念三人行。有師發真智。說偈闡幽眇。應機寄文字。
且酌般若湯。香味絕思議。興長漏刻移。明月送歸轡。

十一月廿日神齡精舍小集席上分天下
人間一片雲為韻得一

寂寂古梵宮。翛然塵表出。泉石一清寒。白雲繞丈室。
此山宗真言。傳燈是秘密。門外安得何。何人善祖述。
源遠末益分。疑義紛不一。霜葉埋幽谿。飢禽度落日。
巨魚潛九淵。小猿爭甘實。低徊感殊深。難哉護法術。

悼禰津少尉

學道知國體。居常思奉公。王師征鄂羅。投筆事遠戎。
旅順金陽險。轅門意氣雄。挺身幾苦戰。竟斃彈雨中。

學圃曰、源遠十
字、真是道盡今
日各宗積弊、霜
葉以下廿字、得
比興之旨、

怡齋曰、字外有
力、紙上生芒、

壯烈動天地。百代欽英風。

輓足立少尉

少尉棟梁器。忠勇絕儔倫。幼齡勉學業。矻矻忘寒暄。
大學卒農科。嘖嘖名聲喧。乃父勤王士。道義有淵源。
常念奉公事。潔誠仕至尊。少尉在家日。服膺乃父言。
心偏存王室。浩氣彌乾坤。去歲大師起。應徵到轅門。
腰帶傳家劍。誓欲報皇恩。超海圍旅順。壘壁高而堅。
就中爾靈險。嶄巖聳九旻。迅雷山河撼。鐵彈天半奔。
霰飛又雨注。阿鼻忽現前。坤垠化鼎鑊。滿地渾朱殷。

學圃曰、此父而
有此子、

又曰、叙事詳悉、而以淡語收之、映帶極好、

學圃曰、二首描寫靈境語亦自然清超、

怡齋曰、無一點塵俗犯其筆端、

發揮拔山力。矯矯奮鬪勤。穿身幾彈孔。血涸斷命根。
世人皆痛惜。天子垂哀憐。丈夫期馬革。無為耻瓦全。
一死以酬國。芳名萬古傳。山衲方丈裏。焚香苦弔君。
禪庭喬松秀。翬鬣翠色繁。清風日颯爽。茲焉招英魂。
丙午五月念三日登七面山
久潤十三歲。宿願終不違。再詣天女廟。密林濕雲圍。
絕巔暮風冷。疎雨濺衲衣。精舍撫幽景。盤桓愴忘歸。
身延山即事
欲求菩提果。同上白雲層。香城雨花散。涼池一鑑澄。

延佇清機熱。剎那忘葛藤。

我庭上有楮樹四五月之交陳葉飄落殊甚賦此書懷

百尺老楮樹。偃蹇清溪阿。風來喬梢動。縱橫影婆娑。
即今孟夏節。陳葉紛辭柯。片片如蝶舞。浙浙疑雨過。
幾堆掃還落。晨夕妨頭陀。厭茲煩累物。髣髴塵緣多。

九月旬三涵詠詩社集分韻得鎖

流景秋既央。桂花薰幽坐。雲散嫦娥清。風來木葉墮。
深巷詩人家。身世自安妥。時招同調友。探韻剔燈火。

怡齋曰、形容盡態、

怡齋曰、澹遠清
曠、令人讀之擺
脫俗累、

從容忘巧機。悠然隔福禍。燒却煩惱薪。灰心悟無我。
可以期泥洹。何畏輪迴鎖。

十一月念五日涵詠詩社集分正是橙黃

橘綠時句得綠字

幽庭冬景佳。恬曠謝榮辱。林寒霜葉紅。池古水光綠。
何處華鯨傳。殷殷苔山曲。索莫蒼茫中。歸禽落遙矚。
雲盡虛空寬。月出明似玉。皎皎照詩筵。本來無盡燭。
揮毫各攄懷。放膽離羈束。所向思無邪。聊茲蕩濁俗。
賀根本某賜金鷄章

學圃曰、規擬坡
翁、

學圃曰、奮剛十
字、亦是積善餘
慶、

乃父有德行。庭訓元端章。君能奉其教。肝膽百鍊剛。
王師昨征露。從軍赴朔方。奮鬪經百戰。未曾被一創。
風餐又露宿。隨處勇名彰。獻凱便論功。賜此金鷄章。
即今菊花節。玉露金英香。瑞氣繞庭戶。一門舉壽觴。
生平積善力。至誠通彼蒼。諸天垂訶護。付與今日慶。

丁未二月十七日涵詠詩社集分少陵豈

有文章驚海內句得章字

閑居願爲善。聲色吾何荒。親朋五六七。傳業期張皇。
率由孔聖訓。以文會友章。

怡齋曰、不修飾
却有真意、

怡齋曰、使筆如話、佳在質易、

學圃曰、其然豈其然、

怡齋曰、清真坦率、

怡齋曰、明白平夷、若未嘗經意者、而自然妙、

怡齋曰、至言、

狂簡吾黨子。立志出家鄉。將修經國術。百歲期流芳。
 孜孜夜繼晷。斐然自成章。
 吾年越不惑。聲名猶未揚。何以對考妣。可憐臭皮囊。
 繙來慚愧甚。開宗明義章。
 斗米未折腰。遺世萬事康。梅妻與鶴子。兩兩從吾傍。
 優游邱壑下。去賦考槃章。
 冬春剝那改。南枝花已香。黃鸝出幽谷。山霞帶暄光。
 覆載變化妙。觀來是文章。
 天真獨朗法。鑽仰非尋常。止觀明靜日。身土歸清涼。

怡齋曰、今人頂門一針、

怡齋曰、名言至理、絡繹不窮、

怡齋曰、真能得我腹中所欲言者、

學圃曰、內外經典、驅使如意、非胸藏萬卷者安能如此哉、

頂公總持力。擬作圓頓章。

方今刑名學。熾然獨隆昌。流弊洎洎乎。人情冷似霜。
 古賢爲仁意。對物恒不忘。試繙孟軻著。堂下牽牛章。
 五事宜擇善。天監微而彰。休咎人所招。惟上帝不常。
 不善降百禍。作善降百祥。馬融不欺我。服膺證應章。
 達人守淵默。同塵和其光。恬淡忘利害。玄都深退藏。
 蓬累飄逸處。至貴凌百王。吾服老聃語。知者不言章。
 鳥歌奏天樂。花雨表瑞相。春色敷錦繡。娑婆即寂光。
 心通妙境現。我聞之釋王。間日明窓下。轉讀菩提章。

三月十四日本門寺訪靈龜上人分韻得文

山房春晝靜。篆煙有餘薰。林深幽鳥語。風暖好花芬。
對榻俱啜茗。細論蓮經文。本迹開顯說。金口極慇懃。
一法無量義。何人能得云。譬之龍一滴。布成大千雲。
灑此清涼雨。膏澤遍坤垠。滅後阿難徒。結集傳所聞。
竭來七百歲。邪說偏紛紛。龍猛無着等。辭而驅魔軍。
佛日增輝赫。人天渴仰殷。秦鳩摩羅什。拈据譯竺墳。
茲焉神源闡。紕繆悉鉏耨。天台及比叡。化導萬乘君。

學圃曰、何等妙喻、蓋自百喻經等脫胎來、

學圃曰、法華眼目標榜分明、結之以淡宕之筆尤妙、

學圃曰、此等題極難著筆、凡手為之、即陷鄙俚

聖諦兼世諦。融合策偉勳。傳至我蓮祖。獅吼廣宣勤。
以斯圓妙道。匡救昏迷群。世尊替人在。鏡賜權實分。
今日香積饌。矧復醍醐醞。箇中有樂地。一座皆欣欣。
忽聞疎鍾度。蒼霧生溪濱。橋上笑分手。西山澹斜曛。

四月念四日賀遊俠落合圓次華甲壽筵
菩提猶煩惱。煩惱猶菩提。菩提與煩惱。同異須細稽。
水凍雖作水。水水其體齊。迷悟唯一念。刮膜要金鎚。
翁也壯年日。黑業牽泥黎。操行無檢束。不畏天方情。
老去始求道。蓮華挺污泥。竟悟因果理。且破三世迷。

又曰、回次真是
游俠傳中人、僕
欲介勝公以求
交、何如何如、

怡齋曰、簡切有
餘味、

晚節如郭解。孤弱會提撕。施恩寧望報。鄉黨享福禔。
今茲周甲子。賀客來東西。一門桃李盛。和氣生幽棲。
爲君歌此曲。春酒定到臍。

四月念九日值前田稼堂七回忌辰孝子

爲一郎立卒堵婆於青山瑩域以修追福

圓通沙門日勝爲之銘曰

地似耆闍堀。茲焉修佛因。北邙春一塔。現出如來身。

五月十八日藥艸庵招邀秋月天放田邊

蓮舟福井學圃村岡櫟齋諸賢分謝靈運

白雲抱幽石句得幽字

小小焦光廬。坐臥常悠悠。昧然心安靜。百事無所求。
泥中龜曳尾。進止只自由。念念在邱壑。自適離諸憂。
陶然一樽酒。蔬菜陳膳羞。淺夏會騷客。雲物詩情幽。
林泉小樂園。聊此相優游。池上清風度。高樹聞鳴鳩。
躑躅花自麗。簞簞幹偏脩。逍遙忘老至。萬劫一春秋。

五月念四日亮朝精舍雅集分載曷坐石

驚雲濕句得石字

夏色何冲澹。雨靜蘭若夕。林深異禽鳴。地滑古苔碧。

學圃曰、池上十
字冲融、肖蘇州
刺史、

學圃曰、如山溫
和、峻峰俊厲、參
以樂齋之峭、學
圃之放、而交情
如水魚、亦奇哉、

學圃曰、可與寒
山子白雲抱幽石
抗衡、

時節猶清和。諸根自快適。交情如水魚。檀欒忘主客。
闡韻各賦詩。不問儒與釋。箇中妙理存。與喜切磨益。
偶閱泥洹經。欲追虎丘迹。且論佛性義。偏覺多法澤。
幽磬度虛堂。沈水薰梵席。白毫如月明。笑看點頭石。

山房

山房竹樹靜。雨後青苔侵。薜蘿自然帷。篔簹無絃琴。
拂雲坐幽石。日氣澹綠陰。箇中無曆日。何識去來今。
清風吹熱惱。一榻愜冲襟。茲焉消百病。藥艸前庭深。
偶拈以我此土安穩句。為韻同靈龜道人。

樂齋居士賦

在塵不染塵。色心自安妥。修行加精進。如放順風舸。
好向蘆荀林。欲摘菩提果。平等彼岸邊。悠然忘物我。
靈泉出鷲峰。混混及遐邇。潤沕雖無邊。元是一味水。
世尊視衆生。慈愍如赤子。諸佛室宅中。愛憎離彼此。
受持薩達磨。歸命靈山主。染念無生時。萬方滅諸苦。
好鳥窓前鳴。春風吹花雨。園林遊樂場。即是清淨土。
世路多危險。似舟凌急灘。好求無爲地。達人茲大觀。
偃然寢巨室。剎那消萬難。可愛空髑髏。真個是恬安。

學圃曰、首首時
插冲淡之語、故
不墮理路、

紺園花木深。白雲流水遠。三衣護道容。一鉢飽香飯。百事隨因緣。念頭忘增損。說偈讚佛乘。意珠自圓穩。

偶成

閑居學獨覺。不管稀知音。偏厭朋黨弊。我志在山林。偶繙證道偈。中宵試一吟。雲表皎月出。照盡讀書心。

十一月念一日不二庵主人招邀諸賢余

亦陪末分清淨非塵世句得非字

蓮祖涅槃地。喬木森四圍。爽塏俯清澗。幽邃車馬稀。妙土開寶刹。金碧雕珠璣。古龕安遺像。威德何巍巍。

學圃曰、知音只有天上明月耳、

學圃曰、十字透徹、

又曰、贊揚備至、

學圃曰、涵詠小集諸作、篇々變化、使人讀之不倦、可謂筆力具十二分者也、

傳燈六百歲。宗旨益發揮。鷲峰真如月。盈虛本雙非。疇昔厄回祿。再築生光輝。此土安穩語。金口含理微。且欽庵主智。照鑑利鈍機。善巧方便力。人天共皈依。滿林老楓樹。爛斑映夕暉。昨夜青女手。染出蜀錦絢。上方清磬響。白雲繞山扉。昆閬疑輕舉。盤桓愴忘歸。十二月初六日。涵詠詩社集分少陵寒魚

依密藻宿鷺起圓沙句得鷺字

大塊三百迴。崢嶸歲將暮。塵事人如狂。徬徨五里霧。風騷開別天。白社多幽趣。芝蘭庭上秀。相競試詩賦。

篇篇思無邪。解脫煩惱汗。無等最上乘。文字即真悟。
棲鳥聚城邊。啞啞啼晚樹。霜降橫殘荷。水淺立白鷺。
蒲牢報初更。分手幾回顧。嘉會復何時。皓月照歸路。
已酉元旦書懷
旭日何杲杲。心地春漸回。黃鸝未出谷。只見南枝梅。
侵凌霜雪苦。不愧百花魁。冰肌玉爲骨。清香繞梵臺。
今日講經禮。緇徒接躅來。澹然水雲客。世慮冷似灰。
教海波瀾激。慈航安在哉。辭闢要博洽。何人奪席才。
賦得雪中松

怡齋曰、語盡而
意不盡、

怡齋曰、蒼翠秀
拔、

怡齋曰、不多著
墨、而自然有餘
意、

學圃曰、山水清
音、悠然自遠、

積陰鎖寥廓。極目同雲低。玉京天風起。瑞花散招提。
滿林無寸碧。歸鶴尋巢迷。貞幹獨挺秀。不與群木齊。
落落棟梁質。鬱鬱蟠寒谿。陽和徐動日。清陰庇黔黎。

棚橋絢子女史古稀壽言

依稀洗髓仙。輕健壓少壯。以躬垂軌範。持己只謙讓。
鬱鬱冬嶺松。晚翠人皆仰。春風滿門庭。兒孫厚孝養。
四月余養痾於函根塔澤環翠樓散策之

次訪淨福精舍席上賦似主僧

遺世林下居。超然染緣曠。臨水還登山。逍遙得天放。

花雨隨微風。春雲度青嶂。清凉浴後心。箇中是安養。

七月初四日涵詠詩社席上送孫翼心歸

天台分得陽韻

台岳何峨峨。霞標倚穹蒼。秀氣莽磅礴。碧林玉闕藏。
瀑泉自天落。溪澗蹙石梁。地靈人必傑。誰能輝國光。
君真俊傑士。心膽百鍊剛。慷慨憂國切。浮海來東方。
夙知科舉弊。百季誤俊良。孜孜修實學。擇語能精詳。
鑽研育英道。意氣自軒昂。螢雪茲卒業。衣錦歸故鄉。
不須傷暫別。侑君手中觴。灞岸征帆遠。帶雨飛夕陽。

學圃曰、起手清勁秀潤、地靈十字、轉折有力、

學圃曰、朴真與題相稱、

次赤羽宥松祭二宮尊德翁詩韻
經綸宗濟世。德比菩薩身。浩範垂萬古。偉業千秋新。
率土供伏臘。仰茲廟食神。

萱堂七回忌展墓 并引

戊辰之役。慈萱投余於北總真間弘法寺。
令出家。當時以國歌誠曰。國乃多米。御法
能為爾。勵米芻志。祖師廼心乎。心騰播四
帝。以甲辰十月七日歿。今茲己酉十月七
日。豫修七回忌法會。追憶往事。不堪感愴。

怡齋曰、令堂一
吹、勝人千百言、
通首深切、從肺
腑中流出、讀之
使人感動、
學圃曰、情深故
文明、意謙故言
溫、與萱堂國雅
伊觀、真可稱雙
美也、

因賦此述懷。

慈訓多含蓄。咀嚼知理周。壯年事口舌。嗷嗷如獼猴。
法臘四十歲。空去無所酬。彼岸不可極。苦海盲龜浮。
難哉菩薩行。誰能棹慈舟。旻天帶雨意。鶴樹秋風愁。
偏覺吾任重。下化兼上求。生生又世世。豈止終身憂。

山居 分得玄字

山居自幽寂。蘭若開別天。念念塵想滅。舉止常在禪。
此處安穩地。且暮隨金仙。悠然四大利。足以終殘年。
草堂蘿幕邃。孤鶴林下眠。澗畔橫老樹。石罅生寒泉。

怡齋曰、結十字
可以評此詩、

一塔白雲表。層層聳絕巔。妙境不可說。即是玄之玄。

又

上方招提境。雲木摩九天。清氣森毛骨。坐覺道心全。
真成寂滅土。直斷無明緣。胸中八萬藏。一身三大千。
庭靜泉聲遠。窗開山色連。猿啼幽壑外。鳥落斜陽前。
銀闕掛玉鏡。皎皎寒光圓。聖諦絕思議。何必言玄玄。

題宗祖畫像

大哉延岳祖。靈驗救明幽。德澤如天日。曠曠照萬秋。

庚戌三月余養病於熱海聽泉閣一日過

怡齋曰、語超而
韻遠、

學圃曰、只此既
足、

大乘精舍邂逅主僧土屋貫泰聽取別後
 十數年其所經歷賦五言三十韻以贈之
 昨餐鋤路雪。今浴熱海泉。寒溫未移氣。君志金石堅。
 滔滔縮流徒。飽暖還酣眠。獅蟲食獅肉。至竟其身穿。
 悠悠百代弊。一朝難除蠲。思之慷慨切。飛錫北溟天。
 飄然衣鉢外。念珠唯一聯。形同白雲淡。心與明月圓。
 樹下將石上。誦偈又參禪。饑寒知何物。志在酬金仙。
 遂創法華寺。盡力經營專。高閣聳雲表。十方仰輪焉。
 茫茫千里野。馬背勤教宣。道場處處設。下種多結緣。

怡齋曰。一氣呵
 成。用韻自在。
 逐層引出。正如
 春蠶吐絲。

學圃曰。起手用
 雙關法。以下分
 叙明白。章法可
 玩。

一日馬驚逸。墜落眼眩然。四大調和破。扁鵲難能痊。
 不惜身命語。服膺常拳拳。宿志未遂半。願更保壽延。
 養成捲土勇。重來唱妙玄。煌煌挑法燭。欲以照無邊。
 竭來已酉歲。挂錫此地遷。劫後無一物。毘利歡迎還。
 病羸復奮起。挽回誓功全。檀越感其志。隨喜捨金錢。
 何圖再營亟。士女幾百千。子來不日成。開堂張法筵。
 庖廚與書院。告落期今季。白毫黯澹日。輝赫猶現前。
 澆漓五濁世。獨棹弘誓船。憂冲護法志。真是泥中蓮。
 大嶋怡齋曰。五言百餘首。樸而腴。淡而永。苦思而

不見痕迹用力而歸自然中含不盡之意外有不
盡之音非近時操觚家所能及勝公學德圓滿而
餘事善詩如此唐土桐廬縣圓通寺有詩僧見嚴
州府志東西古今風流輝映亦奇哉

明治四十三年七月十二日印刷
明治四十三年七月十五日發行

發行者 中里日勝
東京市赤坂區一ツ木町六十番地

印刷者 飯田三千太郎
東京市牛込區市ヶ谷加賀町一丁目

印刷所 株式會社 秀英舍第一工場
東京市牛込區市ヶ谷加賀町一丁目




254
126

發行所 東京市赤坂區一ツ木町六十番地 圓通寺

254
126

五丁表三行目 轉ハ轉ノ誤リ
七丁裏八行目 作ハ乍ノ誤リ
廿一丁表初行目 頂ハ嶺ノ誤リ
廿六丁表三行目 梁ハ梁ノ誤リ



特56
957

020114-000-1

特56-957

弊帚集

中里 日勝/著

M43.7

ABH-0320



254
134